

BÓLSTRUN

FIMMTUDAGUR 6. SEPTEMBER 2012

Kynningarblað

Hönnun
Framleiðsla
Bólstrun
Heimilisprýði
Hreinsun



Fótum komið undir íslenska húsgagnaframleiðslu

Íslensk húsgagnahönnun og framleiðsla stendur traustum fótum. **Bólstursmiðjan** smíðar öll húsgögn sín hérlandis og þar er horft björtum augum til framtíðar. Húsgögn Bólstursmiðjunnar eru ætluð fyrirtækjum, stofnunum og heimilum.

Fyrtækið Bólstursmiðjan var stofnað af Sigurjóni Kristensen fyrir tveimur árum og hefur sérhæft sig í framleiðslu á íslenskum húsgögnum byggðum á íslenskri hönnun. Sjálfur hefur Sigurjón starfað um árabíl sem bólstrari og við húsgagnaframleiðslu þar til hann setti eigið fyrirtækið á fót. „Ég var búinn að vinna lengi sjálfstætt og hjá öðrum framleiðendum en kynntist svo framleiðslunni sjálfur af eigin raun fyrir tíu árum síðan. Ég fann mig strax mjög vel þar enda mjög skapandi og spennandi að vinna með íslenskum hönnuðum og arkitektum og búa til eitthvað nýtt. Um leið er spennandi að hjálpa við að koma fótum undir framleiðslu á íslenskri húsgagnahönnun. Sú vinna varð kveikjan að stofnun Bólstursmiðjunnar.“

Farsæl samvinna

Bólstursmiðjan framleiðir meðal annars húsgögn fyrir hönnunarskýlinni Syrusson og á framleiðslurétt á húsgögnum sem húsgagnahönnuðurinn Pétur B. Lúthersson teiknar fyrir fyrirtækið. Syrusson er ungt og framsækið fyrirtæki sem sérhæfir sig í hönnun og framleiðslu á húsgögnum, innréttingum og öðru sem viðkemur fyrirtækjum og heimilum. Pétur er einn farsælasti húsgagnahönnuður Íslands. „Samvinna við þessa aðila hefur skilað af sér mörgum skemmtilegum afurðum. Við erum ekki að herma eftir hönnun erlendis frá heldur erum við að skapa okkar eigin stíl. Samvinna Bólstursmiðjunnar við þessa aðila er ólík. Syrusson lætur okkur framleiða meira eftir pöntunum en við Pétur förum nánar yfir hverja hönnun fyrir sig og rýnum betur í teikningarnar. Ef mér finnst til dæmis vanta sófa í móttöku þá teiknar hann einn slíkan og við búum til prótótýpu. Síðan þegar allir aðilar eru ánægðir komum við honum í sölu. Draumurinn er auðvitað að geta framleitt á lager, það er það sem þetta allt snýst um. Það er líka búið að vera mikið ævintýri að vinna með Pétri sem er búinn að vera í þessum bransa í mörg ár. Hann veit hvað hann er að gera og það er mikill heiður að vinna með svona mönnum. Sófi frá okkur er meðal annars til sölu hjá Epal.“ Samfara framleiðslunni sér Bólstursmiðjan líka um hefðbundna bólstrun, að klæða gömul húsgögn og einnig um viðhald húsgagna. „Við höfum einnig tekið að okkur bólstrun og viðhald í öllum vélum Flugfélags Íslands, til dæmis leðurklædd sæti. Að sama skapi sjáum við um bólstrun bílasæta og þylrusæta svo dæmi séu tekið. Þannig að bólstrun kemur víða við. Hún er alls staðar, hvort sem maður er í bíó eða í bílnum, alls staðar er bólstraður hlutur að horfa á þig.“

Björt framtíð

Íslensk hönnun og framleiðsla á húsgögnum stendur ágætlega að



Íslensk hönnun og framleiðsla á húsgögnum stendur ágætlega að vígi að sögn Sigurjóns Kristensen, framkvæmdastjóra Bólstursmiðjunnar.

MYND/GVA



Bólstursmiðjan á framleiðslurétt á húsgögnum sem húsgagnahönnuðurinn Pétur B. Lúthersson teiknar fyrir fyrirtækið.



MYND/ÚR EINKASAFNI

vígi að sögn Sigurjóns. „Eftir hrun fékk íslensk húsgagnaframleiðsla meðbyr en datt ekki niður eins og sala á innfluttum húsgögnum. Auðvitað vonumst við eftir því að Íslendingar versli íslensk húsgögn séu þeir að versla á annað borð. Þannig höldum við gjaldeyri inni í landinu og sköpum störf innanlands. Við höfum þekkinguna enn þá en það eru ekki margir að læra þessa iðn. Mér finnst líka skipta miklu máli að það verði ákveðin hugarfarsbreyting varðandi kaup á íslenskri framleiðslu því við höfum helling fram að færa. Það má einnig nefna að opinberar stofnanir hérlandis ættu að sjá sóma sinn í því að fjár-

festu í íslenskum húsgögnum og versla við íslenska framleiðendur. Víðast hvar erlendis hefur slíkt nánast verið sett í lög. Ég tala nú ekki um þegar kreppir að.“

Innland framleiðsla

Öll húsgögnin sem Bólstursmiðjan framleiðir eru framleidd hérlandis. Sigurjón segir húsgögnin þó ekki úr íslenskum efnivið enda ekki mikið framboð hérlandis af honum. „Á bak við eina mublu er fullt af fyrirtækjum sem koma nálægt framleiðslunni. Við erum að tala um viðinn, stálið, svamp og áklæði svo eitthvað sé nefnt. Allt áklæði þarf að flytja inn, til dæmis leður sem er stór hluti

framleiðslunnar, en stofnanir og fyrirtæki vilja oft endingarbetri efni.“ Sigurjón segir eingöngu besta hráefnið vera valið í framleiðslu fyrirtækisins, til dæmis dýrustu dýrnarnar, fjaðrakerfi sem hafa sannað sig og grindur sem eru smíðaðar til að endast mjög lengi.

Framleiðsla fyrirtækisins er bæði ætluð fyrirtækjum, stofnunum og heimilum. „Mesta salan hingað til hefur verið til fyrirtækja og stofnana en við erum að vinna í því að auka hlutdeild okkar á heimilismarkaðnum. Á næstu vikum koma til dæmis nýir sófar frá Syrusyni og Pétri sem ættu að nást inn fyrir jóla-

mánuðinn.“ Sigurjón horfir björtum augum á framtíðina. Hann segist sannfærður um að íslensk húsgagnaframleiðsla eigi eftir að vaxa á næstu árum. „Við hjá Bólstursmiðjunni hugsum a.m.k. stórt og horfum björtum augum til framtíðarinnar. Framleiðslan á vafalaust eftir að eflast mikið á næstu árum. Við erum að minnsta kosti bjartsýn.“

Bólstur
smiðjan
SÍÐUMÚLA 33 - REYKJAVÍK

Sófar eftir þínu máli



Fjölbreyttar einingar sem þú raðar saman

Sófaeiningarnar frá Zenus er íslensk gæðaframleiðsla þar sem einfaldleikinn og hagnýt sjónarmið eru höfð að leiðarljósi. Með einingum getur þú hannað þinn eigin sófa þar sem sófinn samanstendur af einingum sem er hægt að raða saman eftir þörfum hvers og eins - hvort sem það er í stofuna, sjónvarpshornið eða jafnvel sumarbústaðinn. Boðið er upp á úrval af áklæðum frá viðurkenndum framleiðendum. Grindin er einstaklega sterk og allur frágangur er mjög vandaður til að standast ýtrustu kröfur um góða endingu.

Íslensk framleiðsla


Mosi 3ja sæta



Jökull 3ja sæta




Klaki 3ja sæta



Jökull sófaeiningar

Þessar einingar eru staðlaðar en einnig er hægt að fá þær sérsníðaðar. Möguleikarnir eru nánast óendanlegir hvað varðar stærð, liti og samsetningar.



Finndu okkur á Facebook:
www.facebook.com/zenus.is

zenus

Smiðjuvegi 9 • Sími: 554 2450 • zenus.is • zenus@zenus.is



SANKÖLLUÐ HEIMILISPRÝÐI

Hrein og vel meðfarin húsgögn gefa heimilinu ferskan blæ. Áklæði bólstraðra húsgagna þarf að þrifa eins og annað svo þau líti vel út. Hér eru nokkur dugandi ráð til hreinsunar.

- Ryksugaðu og strjúktu yfir áklæðið einu sinni í viku og oftast ef húsgagnið er í mikilli notkun. Notaðu ryksuguburstann til að fjarlægja ryk úr hornum og fellingum og strjúktu létt yfir fætur og aðra yfirborðsfleti.
- Notaðu ávallt ráðlögð hreinsiefni og fylgdu leiðbeiningum um þrif fyrir ólík áklæði.
- Setjið hreinsiefni aldrei umhugsunarlaust á áberandi stað húsgagnsins. Prófið fyrst lítinn blett á svæði sem er ekki auðséð til að forðast litaskil eða skemmdir á áklæðinu.
- Bannið neyslu matar og drykkjar á viðkvæmu áklæði. Ef slíkt sullast niður er mikilvægt að ráðast strax á vandann, þekja blettinn með hreinu og rakadrægu eldhúsbreffi og gæta þess að nudda ekki blettinn til að forðast víðara smit.
- Færið reglulega til sessur og púða svo að slit á áklæðinu verði jafnt.

Útsaumurinn fauk fyrir hvítu leðri

Jóhanna Hreiðarsdóttir hefur einstaklega gaman af því að gera heimilið fallegt og fylgist með nýjustu straumum í innanhússhönnun í tímaritum og á netinu.

Fyrir stuttu áskotnaðist Jóhönnu tveir fimmtíu ára gamlir rókókkó-stólar frá ömmu sinni en hún hafði þá nýlega látið bólstra þá upp á nýtt. „Amma ákvað að láta bólstra stólana en þeir voru með gömlum útsaumsmyndum sem voru barns síns tíma. Stólarnir voru fjórir og hún leitaði tilboða hjá bólstrurum. Hún valdi síðan fallegt, hvítt leðuráklæði á stólana og lét pússa grindina upp og lakka. Stólarnir urðu sem nýir eftir þessa meðhöndlun,“ greinir Jóhanna frá.

Þar sem amma hennar hafði einungis pláss fyrir tvo stóla lét hún barnabarnið njóta hinna. „Amma féll fyrir hvíta leðrinu en stólarnir eru í sérstöku uppáhaldi, enda einstaklega fallegir. Sjálfri finnst mér gaman að blanda saman gömlum húsgögnum og nýjum, það myndar hlýlega og skemmtilega stemningu.“

Jóhanna segist hafa orðið vör við mikinn áhuga á gömlum húsgögnum hjá ungu fólki. „Áhugi á gömlum húsgögnum og sígildri hönnun hefur aukist undanfarin ár og það hefur jafnframt aukist að ungt fólk máli gömul hús-



Jóhanna með gömlu rókókkó-stólana sem nú hafa fengið nýtt útlit.

MYND/STEFAN

gögn í fallegum litum,“ segir Jóhanna og viðurkennir að heimilið sé sérstakt áhugamál. „Ég skoða tímarit og hönnunarsíður á netinu. Sérstaklega leita ég eftir sniðugum hugmyndum sem maður getur nýtt sér á ódýran hátt. Ég hef fundið ýmislegt,

meðal annars hvernig hægt er að gefa gömlum hlutum nýtt notagildi án þess að það kosti mikið,“ segir Jóhanna sem er stjórnmaðlafræðingur en stundar um þessar mundir meistaranám í markaðsfræði og alþjóðaviðskiptum við Háskóla Íslands.

ÖLL KOMUM VIÐ Í MISMUNANDI LENGDUM OG BREIDDUM



Geitir

Það gera sófarnir frá okkur líka Sérsmíðum eftir þínum óskum, fyrir heimili og fyrirtæki



Ármúla 19 | S: 553-9595 | gahusgogn@gahusgogn.is | www.gahusgogn.is



Starfsmenn GÁ Húsgagna hafa áralanga reynslu í bólstrun húsgagna.

MYND/GVA

Bólstrun er í öllu

Bólstrun er víðara hugtak en fólk gerir sér almennt grein fyrir. **GÁ Húsgögn** hafa gert húsgögn fyrir mörg hótél og veitingahús í gegnum tíðina.

Fyrirtækið GÁ Húsgögn var stofnað árið 1975 og hefur verið með stærri bólsturverkstæðum landsins í mörg ár. „Bólstrun er víðtækara hugtak en fólk gerir sér grein fyrir. Bólstrun er alls staðar, skrifborðsstóllinn sem fólk situr í er bólstraður, sófinn sem það horfir á sjónvarpið í, sætin í strætó eru bólstruð. Bólstrarinn býr í raun og veru til þægindin,“ segir Grétar Árnason, einn eigenda GÁ Húsgagna. Meginstarfsemi fyrirtækisins er bólstrun, framleiðsla húsgagna, endurbólstrun og viðgerðir. „Fólk getur komið hér inn með mál af til dæmis sófa og við sérsmíðum hann að þeirra ósk. Við notum ákveðin grunn en viðskiptavinurinn velur stærð sófans, mýkt púðanna, áklæði og fætur. Við búum sófann til og hann smell-

ur inn í rýmið. Stór hluti framleiðslu okkar er fyrir veitingastaði, kaffihús og hótél. Við gerðum til dæmis flest öll húsgögnin á hinu nýja Hótelu Marina fyrir utan rúmin, einnig húsgögn fyrir Hótel Natura, Hótel Akureyri og fleiri hótél. Við gerðum líka húsgögn fyrir veitingastaðina Laundromat, Lebowski og svona mætti lengi telja.“ GÁ Húsgögn hafa undanfarna mánuði endursmíðað Sindra-stólinn svokallaða sem var fyrst smíðaður árið 1962. „Stóllinn er sígild, íslensk hönnun sem er að slá í gegn á ný. Við sýndum stólinn á Hönnunarsýningu í mars síðastliðnum og höfum haft nóg að gera við að framleiða hann síðan. Stóllinn er hannaður af Ásgeiri Einarssyni og hann er í dag framleiddur í samvinnu við Sólóhúsgögn.“